

# **REFERAT MAA - Meeqqanut Atuarfeqarnermullu Ataatsimiititaq d. 21-01-2022**

**Mødedato** Fredag d. 21. januar 2022 kl. 18:00

**Mødested** Kommunalbestyrelsesip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
Innarluutillit pillugit immikkoortumut pilersaarutip killiffia (2021).....	7
MISI-p suleriaasii nutaat pillugit ilisimatitsissut.....	11
Paamiuni meeqqeriviup matoqqatinneqarallarnerata sivitsorneqarnissaa.....	14
Atuarfinni atuangiffeqarnissami siunnersuutit, ukioq atuarfiusoq 2022/2023.....	17
Piginnaatitsinermik agguataarinissamut pilersaarutip nutarterneqarnera.....	20
Lukket.....	23
Lukket.....	24
Lukket.....	25
Taasariaqartut allat.....	26
Imaqarniliap akuerineqarnera.....	27

## **Punkt .: Saqqaa**

Ilaasortat:

Juaaka Lyberth (IA) siulitaasoq

Poul Petersen (D) siulitaasup tullia

Mia Skifte Lynge (IA)

Dorthe-Marie Mogensen-Fontain (S)

Finn Karlsen (N)

### **Beslutning**

Ataatsimeeqataasut:

Juaaka Lyberth (IA)

Poul Petersen (D)

Mia Skifte Lynge (S)

Finn Karlsen (N)

Attaveqaatitigut peqataavoq:

Dorthe-Marie Mogensen-Fontain (S)

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarput.



## **Punkt .: Nalunaarutit**

Siulittaasumiit nalunaarutit

Ingerlatsivimmiit nalunaarutit

### **Beslutning**

Siulittaasup nalunaarutai:

- Maliup eqqaaniittoq meeqqerivik piaringajalerpoq Meeqqerivik februaarip qiteqqunnerani atulissasoq naatsorsuutigineqarpoq. Sulisussat atorfinitsinneqartut suli tamakkinngillat, februaarilli naanerani inip ataatsip ammarneqarnissaanut naammattunik sulisussaqqarpoq.

Pisortamit nalunaarutit:

- Ingerlatsiviup antigentestit meeqqerivinnut atuarfinnullu nassiunneqartussat siulliit maanna tigusimalerpai. Taakku sulisunut atorneqassapput.

# **Punkt 1: Innarluutillit pillugit immikkoortumut pilersaarutip killiffia (2021)**

## **Beslutning**

Ilisimatitsissut tusaatissatut tiguneqarpoq.

## **Bilag**

Innarluutillit pillugit immikkoortumut pilersaarummi suliniutit killiffii 2021



## Innarluutillit pillugit immikkoortumut pilersaarutip killiffia (2021)

Ilisimatitsissut

SagsID.: EMN-2021-15157

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Meeqqanut Ilaqutariinnullu Ingerlatsivik – pisortaq Martha Abelsen / MRBL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsivik Meeqqanut Atuarfeqarnermullu Ataatsimiititamat inassuteqaatigaa:

- innarluutillit pillugit immikkoortumut pilersaarutip killiffia tusaatissatut tiguneqassasoq

### Suliamik saqqummiussineq

Innarluutillit pillugit suliaasaqarfimmi suliniutit pillugit ukiumoortumik killiffik pillugu suliaqartoqartarpoq. Innarluutillit pillugit immikkoortumut pilersaarut pillugu ukiumoortumik ilisimatitsissuteqarnikkut innarluutillit pillugit immikkoortumut pilersaarummi aamma innarluutillit pillugit politikimi anguniakkat immikkut erseqqissaatigineqarsimasut anguniarneqarnerisa sulissutigineqarnerat qulakkeerneqartarpoq.

Innarluutillit pillugit immikkoortumut pilersaarut Innarluutilinnut aamma tarnikkut nappaatilinnut Immikkoortortami suliniutinut tamanut naleqqatut atorneqassaaq, politikikkullu anguniakkat qanoq aalajangersimasumik iliuuseqarnikkut piviusunngortinneqarnissaannut atuutilersinneqarnissaannullu saqqummiussisuulluni. Taamaalilluni immikkoortumut pilersaarut kommunimi innarluutillit pillugit suliaasaqarfimmi, iliuusissanut nutaanut ataavartumik tulluarsagassanik pilersaarusernermut aqutsinermullu atugassiaavoq.

Suliffeqarnermut Isumaginninnermullu Ingerlatsiviup ingerlatsiviit allat suleqatigalugit killiffimmik nalunaarsuineq ataqatigiissarlugulu suliarivaa.

Ilanngussami innarluutillit pillugit immikkoortumut pilersaarummi ineriartortinneqartussani qulingiluasuni iliuuserineqartut immikkut killiffii allassimapput. Tulliuttumi 2021-mi suliniutit iliuutsillu ataasiakkaat eqikkarneqarput.

### Innuttaasunut innarluutilinnut sammisassaqaartitsineq

- 2021-mi innuttaasut 34-it OCN-imik ingerlatsinermik naammassinnipput, taakkunani innuttaasut 25-t Nuummeersut qulingiluallu Paamiuneersut.
- 2021-mi oktobarimi innarluutilinnut sapaatip akunneqartitsineq assigiinngitsunik, soorlu aalisariarnermik, nereqatigiinnermik bankortitsinermillu sammisassaqaartitsiviullunilu aaqquussiffiusoq. iluatsilluarsimavoq
- Nuummi pillorissaasut timimillu sungiusaasoqatigiit peqatigalugit sapaatip akunneri tamaasa ingerlaavartumik sungiusaqatigiittoqarlunilu sammisassaqaatigiittoqartarpoq, taakku sungiusarnermi ataatsimi 1-5 akornanni inuttaqartarput innuttaasullu 5-10-t ilaatigut immikkut sungiusartinneqarsimallutik.
- 2021-mi suliffissaqaartitsinermut tunngatillugu suliniut SIU-TSIU Tasiilami pilersinneqarpoq. SIU-TSIU inuusuttut atugarliortut ilinniakkamik suliffimmiluunniit sulinermik aallartitsiniarnissaannut piginnaangorsaallunilu tapersersuisarpoq. 2021-mi qulit peqataapput taamatuttaarlu siunissami peqataasut quliusarnissaat naatsorsuutaavoq.

### Tikikkuminassuseq aamma innuttaasunut paasititsiniaaneq



- 2021-p aallartinnerani qanigisat peqatigalugit najukkani immikkoortuni aaqjissuussinerit arlallit ingerlanneqarput. Tamannali innuttaasunik ataatsimiititsinerit qanigisallu unnussiuuaaqatigiittarnerisa ikissimanerini kinguneqartumik covid-19 pissutigalugu tunulliunneqartariaqarsimavoq.
- Tasiilami biiliutsittarnermi pissutsit pitsaanerunissaat kiisalu innuttaasut ataatsimut biiliunneqarsinnaanissaannut periarfissat amigaatigineqarput, assersuutigalugu illoqarfiup timersortarfiani sungiusartarfik, biiliutsinnermi pissutsit angallanermullu periarfissat pitsaannginneri pissutigalugit atorneqarpiarneq ajorpoq.'
- 2021-mi illoqarfiit nunaqarfiillu tamarmik pillorissaasunit timimillu sungiusaasoqatigiinnit angalaqatigiittartunit minnerpaamik ataasarlutik tikeraarneqarsimapput.

#### Suliffimmi avatangiisit aamma sulisunik ineriartortitsineq

- 2021-mi sullissisut Inuit innarluutillit ikorfartorteqarnissaannut Inatsisartut inatsisaat nr. 13, 12. juni 2019-imeersoq pillugu ilinniartinneqarput. Taamatuttaaq meeqqanut tunngasunik suliassaqaqfimmi sullissisut Danmarkimi autisme pillugu ataatsimeersuarnermi peqataapput, ilutigalugulu Refsnæs blindeinstitut pulaarlugu.
- 2021-p naalernerani OCN Danmarkimit 35-nik peqataasulimmik pikkorissartitsisoqarpoq. Pikkorissartitsineq OCN-imut ilitsersuisutut naammassereersut ataqatigiissaarisullu piginnaangorsarniarlugit ingerlanneqarpoq. Ilitsersuisut naammassereersut malitseqartitsivigineqartarnissaat siunissami annerusumik qitiutinneqartassaaq.
- Immikkoortuni sulisut annertunerusumik siunersuiffigineqartarnissaat ujarorneqarsimavoq. Taamaattumik 2021-mi siunissami immikkoortortat tamarmik siunersiorneqartalernissaat siunertaralugu suliffiup iluani supervisoritut ilinniartumik sulisoqalerpoq
- 2021-mi suliffimmi ilinniakkamik modulikkaartumik, 2022-mi sulisunik ilinniagaqartitseqqinnermik piginnaangorsaaqqinnermillu aallartitsiviusussamik pilersitsisoqarpoq. Ilinniagaq sulisunut ilinniarsimangitsunut pingaarnertut tulluussagaavoq, ilinniarsimasulli aamma eqqarsaatigineqarput.
- Siunissami meeqqat pillugit suliassaqaqfimmi ikorfartortinut ataqatigiissaarisup ataani ikorfartuisoqatigiinnik aamma pilersitsisoqassaaq, ikorfartortit taamaalillutik napparsimanermut sulinngiffeqarnermullu atatillugu paarlakaattarsinnaaniassammata.

#### Paaqqinnittarfinni inissaqarneq

- Ataatsimut isigalugu meeqqanut innarluutilinnut atuareernerup kingorna sunngiffimmi neqerooruteqarnissaq amigaatigineqarpoq. Tamanna meeqqanut ukioqatigiiaani arfinilinnit aqqaneq marlunnut ukiulinnut kiisalu aqqaneq marlunnit 17-inut ukiulinnut amigaatigineqarpoq. Meeqqalli ADHD-mik autisemillu nappaatillit sunngiffimmi ornittakkamut Pakkumukarsinnaapput.
- Sullitanut immikkut ittunut soorlu innuttaasunut utoqqarnut eqqarsartaatsimikkut innarluutilinnut innuttaasunullu marloqiusanik nappaatilinnut, najugaqarfinni ataatsimoorussani uffarfinnik perusersartarfinnillu allanik atueqateqarnissaminut naapertuutinningsunut najugaqarfissatut neqeroorutinik immikkut tulluussakkanik annertuumik pisariaqartitsisoqarpoq,

#### *Ingerlariaqqinnissaq*

Ilisimatitsissut tusaatissatut tiguneqassappat, ataatsimiititat 2022-mi ukiakkut innarluutillit pillugit immikkoortumut pilersaarummut killiffimmik ilisimatitsissuteqarfigineqaqqissapput.

#### **Ingerlatsivimmit aningaasatigut sulisoqarnikkullu naliliinerit**

Innarluutillit pillugit immikkoortumut pilersaarutip killiffia pillugu ilisimatitsissut aningaasatigut sulisoqarnikkullu kinguneqassanngitsaq ingerlatsivimmit nalilerneqarpoq.

#### **Suliffeqarfirmut Kiffartuussivimmit aningaasatigut nalililneq**



Pisariaqanngilaq.

**Inatsisitigut tunngavissaq allakkallu tunngaviusumik uppersaatitalit**

- Innarluutilinnut politikki
- Innarluutilit pillugit Immikkoortumut Pilersaarut

**Ilanngussaq**

1. Innarluutilit pillugit immikkoortumut pilersaarummi suliniutit killiffii 2021

## **Punkt 2: MISI-p suleriaasii nutaat pillugit ilisimatitsissut**

### **Beslutning**

Ilisimatitsissut tusaatissatut tiguneqarpoq.

## MISI-p suleriaasii nutaat pillugit ilisimatitsissut

Ilisimatitsissut

SagsiD.: EMN-2020-02713

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- MISI-p suleriaasii nutaat pillugit ilisimatitsissut tusaatissatut tiguneqassasoq
- MISI-p suleriaasii nutaat Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasut

### Suliamik saqqummiussineq

2021-mi sapaatip akunneranni 16-imi Meeqqanut Atuarfeqarnermullu Ingerlatsivik seminarimik aaqqissuivoq, tassani immikkut Meeqqat atuarianni immikkut atuartitsineq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq sammeneqarpoq. Tassani Kommuneqarfik Sermersuumi illoqarfinni tamani Atuarfinni aqutsisut, Ilinniartitsisunut siunnersortit aamma immikkut klassini ilinniartitsisut peqataapput, kiisalu Atuarfeqarnermut immikkoortoqarfik aamma MISI. Ilinniartitaanermut aqutsisoqarfik aamma seminareqarnermut takkuppoq nalunaarut pillugu saqqummiilluni.

MISI piffissap ingerlanerani illup iluani suleriaatsinik allannguerusussimavoq, atuisut sullinneqarneri pitsaanerulersikkumallugu, annerusumillu taakkuupput Kommuneqarfik Sermersuumi atuarfiit, ulluuneranilu paaqqinnittarfiit.

MISI-p tunngaviumik pingaarnertut suliassarivaa Perorsaanikkut tarnillu pissusiinik siunnersuisarneq, meeqqat inuusuttullu ilikkarsinnaaneramik, ineriartornissaannik aamma avatangiisiminnit pissutsimikkut inuunerissaarnissamik tapersersuinikkut pitsaanerunerulersitsisumik. MISI-p suliassai pingaarnernut tulliuttunullu immikkoortiterlugit maanna agguataarneqarput:

#### *Suliassat pingaarnertit*

- Perorsaaneq tarnillu pissusii pillugit siunnersuineq, tassani MISI-p pitsaaliuineramik suliart pingaartinnerullugit sulerusuppoq, Kommuneqarfik Sermersuumi atuarfiit ulluuneranilu paaqqinnittarfiit perorsaaneq siunnersuinerlu eqqarsaatigalugit siunnersuilluni, assigiinngitsunik suliallit aqqusaarlugit perorsaaneq eqqarsaatigalugu suliart ingerlanneqarnera pingaartillugu ikiuilluni.
- Perorsaanikkut tarnip pissusiinik naliliinerit (PPV). PPV meeqqap atugarisaanik pisariaqartitaanillu kiisalu meeqqap avatangiiserisaminut tunngatillugu peqateqarnerminut atugarisaanik pisariaqartitaanullu tunngasunik imaqarpoq.
- Ilinniartitsisunut aamma perorsaanermik sulialinnut supervision, siunnersuineq ilitsersuinerlu

#### *Suliassat tullii*

- Sivikinnerusumik ingerlanneqartumik angajoqqaanik siunnersuineq (ullormi siullermi siunnersuinermit qaammatit pingasut angullugit ingerlaneranni oqaloqatigiinnerit 1-4-t). Suli iliuuseqartoqarnissaanik pisariaqartitsisoqarnera takuneqarsinnaappat, taava MISI susassaqtunut allanut attaveqartitsisinnaavoq soorlu Meeqqanut Ilaqtariinnullu Ingerlatsivimmut, atuarfimmuut imaluunniit ulluunerani paaqqinnittarfimmuut.

- Angajoqqaanut siusinnerusukkut sisamanngornikkut nal. 13-15 akornanni MISI-mi "ammasumik siunnersuinnermut" saaffiginninnissaq periarfissaasimagaluarpoq. Tamanna "ammasumik saaffiginninnermut" allannortinneqarpoq, tassani saaffiginnittoq MISI-mit saaffiginninnermi immersugassamik ikiorneqartarpoq. Tamatuma kingornatigut meeqqap atuarfianik ulluuneraniluunniit paaqqinnittarfianik sullissisup angajoqqaatut oqartussaassuseqartoq attavigissavaa.
- Saqqummiineq, suliniummik suliaqarneq il.il.

Nutaartaasoq tassaavoq MISI-mi sulisut TEAMS-inut agguataarneqarnerat, taakku immikkut atuarfimmu arlalinnuunniit akisussaaffilerneqarlutik. Tassunga atatillugu qaammatikkuutaartumik Atuarfiup pisortaa Ilinniartitsisorlu siunnersuisartoq ataatsimeeqatigisarnissaat isumaqatigiissutigineqartassaaq, taakkua suliassat sorliit MISI-mit salliunneqarnissaannik eqqartuinissaminut periarfissaqarput. Suleriaatsimut nutaamut atuarfiit toqqaannarnerusumik qaninnerusumillu attaveqarfigilernissaat pissutaavoq. Aamma atuarfiit saaffiginnissuteqannginnerminni aamma MISI-mut inneruussinnginnerminni namminneerlutik pitsaaliuinnermik sulisinnaanerminnut piginnaanngorsarneqarnissaat pineqarpoq. Taamatut ilusiliineq siusinnerusumut sanilliullugu aqutsisunik akuutitsinerulissaaq aamma atuarfinni aqutsisunik suleqateqarnerulersitsilluni, tamatumalu kingunerissavaa suut naatsorsuutigineqarnerinik nallersuussisoqarsinnaalernissaa aamma MISI-p inneruussutigisaasa ajornannginnerusumik atuutilersinneqarsinnaaneri. Taamatut nutaamik suleriaaseqalerneq MISI-mi suliat assigiinngitsut aqqusaarlugit sulianik pitsaaliuinnermillu sulianik annertuumik pitsanngorsaassasoq.

#### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

#### **Suliffeqarfimmu Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaataitallit**

- o Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaat nr. 16, 3. decembari 2012-imeersoq: § 5, imm. 3, nr. 4.
- o Atuarfik pillugu Inatsisartut inatsisissaat nr. 15, 3. decembari 2012-imeersoq: §38, nr. §4.
- o Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq.

#### **Ilanngussat**

Soqanngilaq.

## **Punkt 3: Paamiuni meeqqeriviup matoqqatinneqarallarnerata sivitsorneqarnissaa**

### **Beslutning**

Ilisimatitsissut tusaatissatut tiguneqarpoq.



## Paamiuni meeqqeriviup matoqqatinneqarallannerata sivitsorneqarnissaa

Ilisimatitsissut

SagsID.: EMN-2021-16765

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamat kiisalu Kommunalbestyrelsimut ilisimatitsissutit ingerlateqqinneqassasoq

### Suliamik saqqummiussineq

Meeqqerivik Mike Paamiuniittoq meeqqanut 3-nit 6-inut ukiulinnut 66-inik inissaqarpoq. Meeqqat ininut sisamanut agguataarsimapput. Meeqqanik paaqqinnittarfimmi sulisussat 15-inut inuttaligaapput, aqutsisoq ilanngullugu. 2021-mi aggustimi Kommunalbestyrelse meeqqerivimmi ininik matusigallarnissaq pillugu aalajangiivoq, meeqqat nalunaarsimasut 43-t kisimik nalunaarsimammata. Imatut aaqqiissuteqartoqarallarpoq, piffissami 1/9 - 31/12 2021-mut meeqqat 3-t aamma 6-it akornanni ukiullit 51-it inissaqartinneqarlutik. Meeqqat ininut pingasunut agguataarneqarput: Init marluk immikkut meeqqanut 18-inut inilu ataaseq meeqqanut 15-inut. Sulisut amerlassusiligaanerat sulisunut 12-inut appartinneqassaaq, aqutsisoq ilanngullugu.

Decembarimi 2021-mi nalilersuinermi kommunip perorsaanermik siunnersortai Paamiuni meeqqeriviit marluk suleqatigalugit paasivaat meeqqat Mike-mi allatsissimasut marsip tungaanut 49-50-iussasut. Tamanna Winformatikkimmi paasissutissanik tunuliaquteqarpoq aamma aqutsisut Paamiunut Paamiuniillu nuuttartut pillugit ilisimasaannit.

Taamaattumik meeqqanut 66-inut inissaqaqqaarneranut uternissaq pisariaqangilaq, taamaattumillu inip aappaanik matusigallarneq qaammatini suli pingasuni atuutissasoq kissaatigineqarpoq.

### Ingerlatsivimmit aningaasatigut sulisoqarnikkullu naliliinerit

Meeqqerivimmiissinnaasut naleqqussarneqarallannerannut atatillugu sulisullu 1. januaarimiit 1. aprili 2022-p tungaanut pingasunik ikilineqarnissaat pillugu akissarsiasanut aningaasartuutitut sipaarutissat isumaqatigiissutit atuuttut malillugit imaalissapput: **184.289,07 kr.**

Massakkut isertitassanik annaasaqartoqangilaq, akiliutaasunik, meeqqanik meeqqerivimmi inissamat allatsittoqarsimangimmat.

### Suliffeqarfimmut Kiffartuussivimmit aningaasatigut naliliineq

Pisariaqangilaq.

### Inatsisitigut tunngavissaq allakkallu tunngaviusumik uppersaatitallit

- o Meeqqanut suli atualingitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq.
- o Kalaallit Nunaanni ulluunerani aamma ulloq unnuarlu paaqqinniffinni perorsasutut sulisut pillugit Kalaallit Nunaanni Naalakkersuisut aamma Nunatsinni Perorsasut Kattuffiata akornanni ulloq 6. marsi 2021-mi isumaqatigiissutaat.
- o Ilinniarsimasut ilinniarsimangitsullu aamma isumaginninnermi ikiortit nalunaaquttap akunnermusiallit pillugit Kalaallit Nunaanni Naalakkersuisut, Finansministeriap aamma



Sulinermik Inuussutissarsiteqartut Kattuffiata isumaqatigiissutaat 2. decembari 2019-imeersoq.

**Ilangussaq**  
Ilangussaqanngilaq

## **Punkt 4: Atuarfinni atuangiffeqarnissami siunnersuutit, ukioq atuarfiusoq 2022/2023**

### **Beslutning**

Inassuteqaat akuersissutigineqarpoq.

### **Bilag**

Ilanngunneqarpoq atuarfinni sulinngiffeqarnissamik takussutissiaq ukioq 2022-2023



## **Atuarfinni atuangiffeqarnissami siunnersuutit, ukioq atuarfiusoq 2022/2023**

Illoqarfiit nunaqarfiillu tamarmik atuarfiusut

Aaliangiiffigisassaq

SagsID.: EMN-2021-17017

Meeqqanut atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteeqqat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Kommuneqarfik Sermersuumi illoqarfinni nunaqarfinnilu atuarfinni ukiumut atuarfiusumut 2022/23-mut atuangiffeqarfissatut pilersaarutit akuersissutigineqassasut

### **Suliassamik saqqummiussineq**

Meeqqanut Atuarfeqarnermullu ingerlatsivik, Kommuneqarfik Sermersuumi ukioq atuarfiusoq 2022/2023 sulinngiffeqarnissami siunnersuut suliaraa. Siunnersuutigineqartut atuarfinni siulersuisunut aammalu atuarfinit tusarniaassutigineqarput, sulinngiffeqarnissami siunnersuutigineqartut Namminersornerusut peqqussutaat malillugu suliareqarput.

Atuarfiit atuangiffissaatut pilersaarutaat, Kommuneqarfik Sermersuup najoqqutassiaa malillugu takuneqarsinnaavoq:

- Kommunemi atuarfiit tamarmik sapaatip akunnerata iluani atuarneq aallartinneqassasoq
- Kommuneni tamani atuarunnaartoqarsinnaasoq, atuartitsinerit minnerpaamik 200-it aammalu annerpaamik 240-it anguneqarsimappata.
- Nuummi atuarfiit tamarmik assigiimmik sulinngiffeqarnissamik takussutissiamik peqassasut.
- Kommunemi illoqarfiit nunaqarfiillu iluani, atuarfiit allat atuangiffissatut pilersaarutaat malilugit atugassarititaasut ileqqullu naleqqussarneqassasut.

Atuarfiit tamarmik sulinngiffeqarnissamik ukioq atuarfiusoq 2022/2023 tusarniaaffigineqarnikuupput. Meeqqeriveqarnermik Atuarfeqarnermillu ingerlatsiviup atuarfeqarfiit tusarniaaffigereernerisa kingorna, atuarfiit ataasiakkaat kissaataat malilugit, ullut atuartitsiviusussat 200-it naleqqussarlugit inississorneqarput.

Atuarfinni tamani arfininngornerit ullut marluk minnerpaamik atuartitsiviussapput. Nuummi ullut atuarfiusussatut aaliangiunneqartut ulloq 3. december 2022 aamma 3. juni 2023. Atuarfiit sinneri sinerissamiittut, nammineerlutik aaliangissavaat arfininngornerit sorliit atuartitsiffiginiarnerlugit. Atuarfiit tunumiittut arfininngornerit sisamat atuartitsivigissavaat, ullullu atuartitsiviusussat nammineerlutik aaliangernikuaat.

Ukioq atuartitsiviusat pilersaarusiorneqarneranni, immikkut isiginiarneqarpoq atuartut pinialoqataasinnaanerannik periarfissaqarniassammata, kingusissumi atuartitsineq aallartinneqassammat.

Ukioq atuartitsiviusumi nutaatut assigiimmik atuangiffissami pilersaarusiortoqarpoq, atuarfiit Tasiilaq, Kulusuk, Kuummiut, Sermiligaaq, Isortoq aammalu Tiilerilaaq. Taamaaliortoqarneranut tunngavilersuutigineqarpoq, ilinniartitsisut timelærerillu atuarfinni taaneqartuni, ataatsimut pikkorissartitsisoqarsinnaasarnissaa aammalu piginnaasatigut inerisaasoqarsinnaanera ullut atuarfiit aallartinneqarneranni, ukiaanerani ukiuuneranilu atuangiffeqarnermi. Tunngavilersuutinut ilaavoq, Tasiilami atuartut angerlarsimaffianniittut piffissami assigiimmi nunaqarfimminnut angerlarsinnaasarnissaat. Taamaalilluni aamma siammasissumik atuartitsisinnaaneq ataatsimut ingerlanneqarsinnaassammat.



Tunumi sulingiffeqarnissat amerlanerusut kissaataat malillugit suliarineqarput.

Nuuk, Kapisillit, Arsuk, Qeqertarsuatsiaat aammalu Paamiuni atuarfiit tunumisut sulingiffeqarnissat siusinnerusukkut aaqqissorneqarsimapput.

Ittoqqortoormiini sulingiffeqarnissat immikkut sananeqarput. Atuarfiup kissaatai malinneqarlutik, sapaatip akunnerit ilaanni ulluni arfinilinni atuartitsisisarneq, sapaatillu akunnerit 36-it atuartitsiviussallutik. Atuartut pinialunnerni pissaqarniarnermilu katersinermi peqataasarnissaat tunngavilersuutigineqarluni. Kommunimi atuarfiit allat assigalugit, pisarnermi kingusinnerusukkut atualernissaq aamma qinnutigineqarsimavoq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Sulifeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq
- Atuarfimi atuartut atuangiffeqartarnerisa pilersaarusionerat pillugu Namminersornerullutik Oqartussat nalunaarutaat nr. 4, 5. marts 2003-meersoq

### **Ilanngussat**

1. Ilanngunneqarpoq atuarfinni sulingiffeqarnissamik takussutissiaq ukioq 2022-2023

## **Punkt 5: Piginnaatitsinermik agguataarinissamut pilersaarutip nutarterneqarnera**

### **Beslutning**

Inassuteqaat akuersissutigineqarpoq.

### **Bilag**

Kommuneqarfik Sermersuumut piginnaatitsinermik agguataarinissamut pilersaarut



## **Piginnaatitsinermik agguataarinissamut pilersaarutip nutarterneqarnera**

Aalajangiiffigisassaq

SagsID.: EMN-2022-00225

Suliffeqarfimmud Kiffartuussivik - vicekommunaldirektøri Marie Fleischer / MAFL

### **Inassuteqaat**

Suliffeqarfimmud Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqanut Atuarfeqarnermullu suliassaqaarfimmud tunngatillugu piginnaatitsinermik agguataarinissamut pilersaarummi allannguutit akuerineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### **Suliamik saqqummiussineq**

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit suliarineqarpoq. Piginnaatitsinermik agguataarinissamut pilersaarummi tamanut atuuttussami takuneqarsinnaavoq, aalajangiisinnanermut piginnaatitsissutit Kommunalbestyrelsip, ataatsimiititat allaffeqarfiullu akornanni qanoq agguataarneqarsimanersut.

Piginnaatitsinermik agguataarinissamut pilersaarummi ingerlatsivinni tamani qinikkanik sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaaneriniq nalornisoqarsinnaanera pinaveersaartinneqassalluni.

Piginnaatitsinermik agguataarinermut pilersaarutip aalajangiiffigisassat aalajangersimasut kommunalbestyrelsimiittut imaluunniit Aningaasaqarnermut Inuussutissarsiornermullu Ataatsimiititamut, ataatsimiititanut ataavartunut allaffeqarfimmullu suliassanngortinneqarsimasut tamaasa imarai. Piginnaatitsinermik agguataarinissamut pilersaarummi allaffeqarfiup iluani aalajangiinissamut piginnaatitsissutit agguataarneqarnissaat malittarisassaliorneqanngilaq. Taamaattumik nammineq ingerlatsiviit iluminni naleqquttunik pilersaarusiortarnissaat suli pisariaqassaaq.

Kisianni suliat sulluunniit piginnaatitsinermik agguataarineq eqqarsaatiginngikkaluarlugu kommunalbestyrelsimut imaluunniit Aningaasaqarnermut Inuussutissarsiornermullu Ataatsimiititamut aalajangiiffigisassanngorlugit saqqummiunneqartassapput, suliaq kommunimut annertuumik imaluunniit tunngavimmigut pingaaruteqarpat imaluunniit immikkut ittunik peqquteqarpat.

Piginnaatitsinermik agguataarinissamut pilersaarutaaqqaartoq 2021-mi juunimi Kommunalbestyrelsimut akuerineqarpoq. Massakkulli ingerlatsivinnit tamanit nutarterneqarpoq. Meeqqanut Atuarfeqarnermullu suliassaqaarfimmud tunngatillugu piginnaatitsinermik agguataarinissamut pilersaarut nutartigaq ilanngussaq 1-imi sungaartumik nalunaaqutsigaavoq.



**Ingerlatsivimmit aningaasatigut sulisoqarnikkullu naliliinerit**  
Pisariaqanngilaq.

**Suliffeqarfimmut Kiffartuussivimmit aningaasatigut naliliineq**  
Pisariaqanngilaq.

**Inatsisitigut tunngavissaq allakkallu tunngaviusumik uppersaatitallit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsimi Aqutsinermi Ilegqoreqqusaq

**Ilanngussaq**

1. Kommuneqarfik Sermersuumi piginnaatitsinermik agguataarinissamut pilersaarutip nutarterneqarnissaanut siunnersuut

## **Punkt 6: Lukket**

## **Punkt 7: Lukket**

## **Punkt 8: Lukket**

## **Punkt .: Taasariaqartut allat.**

### **Beslutning**

Pisortaq Lone N Møller coronamut atatillugu apeqqutinik akissutinillu misissuivoq. Ataatsimiititap Lone qinnuigaa sulisunut qujassut ingerlateqqeqqullugu.

## **Punkt .: Imaqarniliap akuerineqarnera.**

### **Beslutning**

Imaqarniliaq akuersissutigineqarpoq nal. 15:18.